

ԿԱԹՈՒԴ ՓԱՐԱՆ ՉՄՈՌՆԱՍ, ՄԱՄԱ

ԿԵՍՕՐՎԱՆ մոտ է:

Նպարավանառին խանութը մեծ բազմությու՜ն կա:

Այգեպաններ, բանվորներ, անոնց կիները՝ իրենց հղանցֆին փակած ֆանի մը լաներով, Եկեր Են գնումներ բնելու:

Ժամանակը կարճ է: Կանապարեն ամենին ալ:

Պետք է շուտով վերադառնան այգեստան: Շատ գործ կա:

Կուրի օրեր Են: Խաղողն հասեր է և ծիածանին բոլոր գույներն իր վրան առեր: Այնֆա՛ն ֆաղցր, այնֆա՛ն հրապուրիչ:

Նպարավանառը միշին տարիֆով, լեցուն, ածիլված երեսներով քավամագ հայ մըն է, մաֆուր վրանոց հագեր է և մեծղի մարմինը կշարժե հոս հոն դանդաղաֆայլ շուֆով: ՄԵկին հացը կուտա, մեկալին խմելիֆր: Հագիլ կրնա Ետե Ետե հասնող հանախորդներուն ծրարները լեց-

նել, անոնց գիները հաշվել, ապա դրամներն ստանալ և սովորական բառով մը համփու դնել:

Այսպես, մէկ, երկու ժամեր կանցնին:

Բազմությունը հետզհետե կսկսի պակսիլ: Խանութը կրկին կգտնե իր սովորական խաղաղությունը:

Նույն պահուն էտեի փոքրիկ դուռը կբացվի մեղմությամբ և ծերունի կին մը ներս կդնե իր ռոտերը՝ հայանապես սխալ տեղ մը մտած ընկալու վախով լեցված:

Զոր և կծկտած պառավ մըն է, մորթի և ոսկորներու տխեղծ և եղկելի զանգված մը: Կգարմանաս, որ ան տակավին կշնչե և տակավին կրնա շարժիլ: Իր գնացքը այնքան դանդաղ է ու լուռ, որ մաքր ակամա շուրթի մը հետ շփոթելու մտածումը կունենա:

Մաման երկու քայլ առնելէ ետք կկենա և շունչ մը կառնե: Չի համարձակիր առաջ անցնիլ:

— Այս խեղճ կիներ ինչ կուզե,— կհարցնեմ նպարավանադին և կփութամ պառավին մտ, անոր կարելի օգնություն մը տալու մտածումով:

— Մայրս է,— կպատասխանե խանութպանը ցուրտ անտարբերությամբ և առանց անոր երեսը նայելու: Ապա կավելցնե,— խանութիս ետեր տախտակե խուց մը շինած ենք, հոն կրնակի: Մեր տան մեջ անէլ շունիւնք, նոր շինած ենք և շենք ուզեք, որ աղտոտի: Կեսօրին կամ իրիկվան դեմ կուզա իրեն պետք եղած բաները առնելու:

Անոր այս չոր բառերուն մեջ կըմբռնեմ ամբողջ պատմություն մը, ստատահույզ և եղբերական: Ապա ժպտեքես կմոտենամ լքված ծերունիին և կխոսիմ տաք շունչով:

— Բարև՛, Մամա՛, ի՞նչպես ես, աղե՞կ ես:

Պառավը կնայի ինձի նախ ապշուրյամբ և գարմանով: Իրեն ալ «բարև» տվող կա աշխարհի վրա: Հետո կուշաբերի, ինքն ալ քեքե ժպիտ մը կփորձե անհամար փոքրով ծածկված դեմքին վրան և կրտ:

— Է՛հ... ինչ ըսիմ, ձագուկս, տերտս... հո՛ւ է... հո՛ւ,— ու ձեռքը կտանի կուրծքին:— Հոն դիզված կրակներ ըլլալու են...

— Աղեկ կըլլաս, Մամա, հույսդ մի՛ կտրեք, աստված մեծ է:

— Շատ շնորհակալ եմ, տղաս, աստված արեւիկդ պանե, «ա՛խ» ըսել չտա:— Ու տակավին կհակե բարի խոսքերուն և օրհնության շարքը, հինավուրց էկեղեցիի մը քաղցր մեղեդիներուն նման:

Հետո հավկիթի սնտուկին կմոտենա և բուրբեք տապալակին մեջ կդրնե քանի մը հատ հավկիթ զգուշավոր և հատիկ-հատիկ, մեծ ծանրությամբ մը վերցուցած ըլլալու հոգնածությամբ: Հաց մըն ալ կառնե վախով, ծանր քայլերով կմոտենա ցուցասնդուկին և կարագի բրդոն մը

կփաթբբ բուղթի կտորի մը մեջ, փոփրիկ շիշ մըն ալ կար կվերցնէ և կմոտենա իր տղուն, անոր աչքերուն կնայի աղաչավոր և բարի նայվածք մը ձգելեն:

Վայրկյան մը լռութուն կտիրէ:

Անանուն հուզում մը կպատե ամբողջ էութիւնս:

Տարօրինակ, անբացատրելի տեսարան մըն է այս: Աչքերս մոր ու գովակին վրա գամվեր են և շեն ուզեր շեշտ մը, շարժում մը կորսնցնել անոնցմէ:

Տղան ձայն չի տար, դուրս կնայի սիկարեթի լեցուն մոխի մը պարպելով օդին մեջ:

Մերունի կիներ հին և զունաբափ զգեստին զբաւենն փոփրիկ, ճրմրոքիված դրամապանակ մը կհանէ, երկու ձեռով կբանա զայն և 50 սենթ կդնէ սեղանին վրա դողահար...

— Էտի բի՛շ է, բիշ... — կստոա նպարավանաոր խտութեամբ: — Կա՛ր, հավկի՛ք, կարա՛գ, հա՛ց... հիսուն սե՞նթ կրնն:

Մաման հայտնապես գին, զումար, հաշիվ չի գիտեր: Կսպասե, որ գովակը հաշվէ: Կնայի դրամապանակին մեջ ուշի ուշով, 25 սենթ ալ կհանն և կդնէ նույն սեղանին վրա անխոս:

— Էտ ըլ բիշ է: Էս շափ ատեն կուգաս բան կտոնես, գիները դեռ շարվեցա՞ր, ցնդա՞ծ:

Մաման խորունկ և սպաննիչ ցնցում մը կստանա և կայլայլի...

Ի՞նչ լավ էր, երբ երկաթն մուրն մը իջած ըլլար իր գլխուն այդ խոսներու տեղ:

Այս անգամ զբաւեններուն կտանի իր ձեռքը, որ երկար ատեն արեւին տակ ձգված փայտի կտորի մը կերպարանքն է առեր, երկու հինգ սենթնոց ալ կգտնէ և կուտա իր տղուն:

— Քանի մը սենթ ավելի կրնն... բայց ինչ որ է, մյուս անգամին կհաշվեմ:

Մաման լալագին դիմագծով կհավաքէ իր փոփրիկ ծրարները առանց բառ մը արտասանելու: Կուրծքին և րևերուն մեջ կտեղավորէ զանոնք զգուշութեամբ և կխայն դեպի ետևի դուռը դանդաղ և մտածկոտ ֆայլերով:

Ես անմիջապէս կվազեմ անոր ետևէն, դուռը կբանամ և կօզնեմ, որ դժվարութիւն մը չունենա կամ ծրարները գետին չձգն:

Մաման գլուխը կշարժէ ու կժպտի ինձի ֆաղցրութեամբ:

Լացի՞ք բն ուրախութեան ժպիտ:

Դժվար է բնել:

Ես կվերադառնամ հուզումնայից սրտով: Աչքերս լեցուն և պղտորած:

— Մա՞յրդ է ըսիր այս ծերունիին,— կհարցնեմ նպարավանադին:

— Այո՛,— կպատասխանե մարդը ցուրտ ու կտրուկ:

— Ի՞ր սպրուտի պետքերուն համար վնարո՞ւմ կընե՞ք քեզի:

— Հարկա՛վ: Ինչո՞ւ պիտի չընե: Ես այս բաները ձե՛ր կատանամ:
Պահ մը կապշիմ ու կմտածեմ: Քերես զանձ մը, հարստություն մը
ունի այս մամիկը: Ու խանութքանի՞ն դարձած՝

— Դեռամ, Եկամուս ունի՞ մայրդ:

— Չէ՛, ամերիկյան օգնության գրասենյակը կուտա ամսական քա-
նի մը դրվար: Երև ժամանակին խելք ունենար և հաղտացի ըլլար,
հիմա ստոր կրկնապատիկը կընար առնել: Ի՞նչ ընենք, պիտի տանին...

Ապա բիշ մը կկենա և ինկզիմէր արդարացնելու փորձով կավելաց-
նե.

— Մենք բնաճնիքի, զավակներու տեր ենք, ըսինք կառավարու-
թյան, ձախեցերես շատ է ըսինք, այս պատաժին հոգ չենք կընար տանիլ
ըսինք, երկար բարակ աշխատեցանք, մարդ մեջ ձգեցինք և վերջապես
հաշտդեցանք ամսական պղտիկ գումար մը ապահովել... ալ ինչո՞ւ ձե՛ր
սպրունկ պիտի տամ... ո՞վ ձե՛ր կուտա որ...

Ես ստոած կմնամ: Նպարավանադը կբանա իր մտքին պաշարը և
կխոսի այնպես, ինչպես մարդիկ կխոսին շատ սովորական, շատ պարզ
ու բնական նյութի մը վրան, օրվան օրին կամ եղանակին շուրջ:

Իմ բառերը կչորանան կոկորդիս մեջ:

Համր կղաղնամ ալ, կատարելապես համր... ու կհալեմ աչ ու ձախ
փոքորկած...

Ապա խորունկ ու անդիմադրելի փափագ մը կզգամ վազելու մամա-
լին Ետեկն, կրկին խանութ բերելու համար գայն, անոր չորցած ձեռքերն
առնելու իմ ձեռքերուս մեջ, համբուրելու զանոնք և խոսելու այսպես.

— Մամա՛, անուշի՛կ և անտեր Մամա, մյուս անգամ, երբ քու հա-
րազատ զավակդ կար գնելու գաս, քո՛ւ կարիդ փարան չմոռնաս... քեզ
այս գալքմ տղուդ, որ քու տված կարիդ փարան վնարե նախ... այն
մայրական անարատ կարին, որ քու էությունդ, քու արյունիդ կարիլնե-
րեն քամվեցավ և վազեց անոր շրթունքներուն մեջ... վազեց անհամա՛ր
գիշերներով... անհո՛ւմ գիշերներով... նվազուն օրորներով և նենեխներով
հաղցրացած...

Մամա՛, միտդ պահե՛, մյուս անգամ խանութ գալուդ՝ կարիդ փա-
րան չմոռնաս... հա՞, չմոռնաս: